

Vorrede.

velen Low-Böckern / Defect / unde Gebreck / ganze Senten-
tien an etliken Steden unde Orden / uthgelaten / eins Deils
unrecht geprentet / unde geschreven / ein Bart dat Densche
vordunckelt / vorsettet / vorkeret / dermaten / dat jdt van Ider-
manne övel und quatlick kan vorstan unde begrepen werden.
Darher siet tho velen unde offteren malen begyfft / dat in vör-
fallenden Saken / de tho Rechte anwassen unde ingesettet
werden / unde darup de Richtere Ordell unde Dohm spreken
schölen / sonderliken de Hards-Bagede / mit groten twyvel /
in den Sorgen und Engesten beladen syn / welckerem Low-
Bocke / dem se folgen / unde worna / unde wo seeren Dohm
unde Ordell funderen / gründen unde Recht spreken schölen.

Darher denne unse leve Getrüwe / unsers Rykes Rade
solcke eine Nochtrofft unde Gelegenheit ganz wol bewagen /
berathschlaget / betrachtet unde eins geworden syn / dat süs-
vige na wolgeholdenem Rade vor gudt unde nütte angesehen /
dat wy dat vorgeschrevene **Jüdische Low-Bock** mit dem
allerbesten Flyte / also mögetick gewesen is / wedderümme
dorchsehn lathen / alle und jder Defect / Mengel unde Feyl /
de darinnen befunden worden syn / verbeteren / dat Olde
vordunckelde Densch unde de unbekanden Wörde in eine reine
Spracke umsetzen unde verbeteren laten / dat dat süsvige
Recht van Idermanne desto beter unde klarer vorstanden wer-
den mach / unde eine Gewisheit des rechten Textes sy / unde
yder hebbe / worna he sine Sake anstellen / unde wat dat rechte
Olde Jüdische Recht is / weten möge.

Deme thofolge wy ock dat süsvige also hymede up dat
nye in der Holsten Spracke in den Druck uththogande / unde
jderem Inwaner des Rykes unde Fürstendomes / ock Men-
nichliken tho nütte unde besten tho vorköpende genedigest be-
falen.